



Bou ons kinders vir môre

Sondagskool 4

Lestitel: God se liefde is vir almal

'n Ouerhandleiding

Sondagskooltuisonderrig



Liewe Ouer

Welkom by die les: “**God se liefde is vir almal**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	God se liefde is vir almal
Bybelwoord	Daar is geen Bybelwoord vir hierdie les nie
Lesdoelwit	Die kinders leer dat God se liefde vir almal is. Hulle word aangemoedig om vir die siele in die hiernamaals te bid.

Lesopsomming:

- Dit is die Here se verlange dat alle mense gered moet word, diegene wat hier op aarde is, sowel as diegene wat reeds in die hiernamaals is.
- Almal moet die waarheid leer ken en toegang tot die sakramente hê.
- In die diens vir die ontslapenes, wat drie keer per jaar plaasvind, bedien die stamapostel en die apostels die sakramente aan twee diensknegte, wat as vate namens die voorbereide siele in die hiernamaals instaan.
- Wanneer kinders van God hier op aarde opreg en medelydend bid vir die verlangende siele in die hiernamaals, sal die begeerte in hulle toeneem om ook kinders van God te word.

Wat beteken hierdie les vandag vir ons?

- Die Here wil hê dat alle mense gered moet word.
- Diegene op aarde sowel as diegene in die hiernamaals, want God het almal lief.
- Almal moet die waarheid leer ken en toegang tot die sakramente hê.
- Vandag het ons dienste vir die ontslapenes, sodat die voorbereide ontslapene siele ook die sakramente kan ontvang.

Sommige vrae wat ons kan vra:

1. Wil die Here net hê dat die mense op aarde gered word?

Antwoord: Nee, Hy wil hê dat almal gered moet word, selfs die siele in die hiernamaals.

2. Tot wat moet almal toegang hê?

Antwoord: Die waarheid en die sakramente.

3. Noem die drie sakramente?



Antwoord: Heilige Doop, Heilige Nagmaal en Heilige Verseëling.

4. Hoe ontvang die siele in die hiernamaals die sakramente?

Antwoord: Stamapostel en apostels bedien twee diensknegte namens die ontslapenes.

5. Hoeveel dienste het ons vir die ontslapenes per jaar?

Antwoord: Drie.

6. Kan ons vir die siele in die hiernamaals bid?

Antwoord: Ja, ons kan.

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huius toe. In Jesusnaam. Amen.